



Plata dla Ploania Antermëia Sant'Antone Abat

Ploian: **siur Klaus Sottsass**
E.mail: klsottsas@rolmail.net
Curat: **siur Paul Campej**
E-mail: campei.paul@rolmail.net

Calonia: 0474/520012
Siur Paul: 380 7345533
Siur Klaus: 344 1554055

UNITÉ PASTORALA



VAL BADIA
www.unitepastorala.org

Ann C

**24.04.2022 - 01.05.2022 - Secunda domënia de
Pasca - domënia blancia - domënia dla**

n. 22

La potënza dla vita

📖 **St.Ap 5, 12–16 | Rev 1, 9–11a.12–13.17–19 | Jan 20, 19–31**

Dal Vangele do San Jan:

¹⁹La sëra dl pröm dé dl'edema, canche i discepuj â dala tëma dan dai iüdes sarè pro les portes, é gnü Gejù, é jü amesa ëi ite y ti à dit: Pêsc a os! ²⁰Do chëstes parores ti àl mostrè sües mans y so costà. Dailó se ralegrâ i discepuj da odëi le Signur. ²¹Gejù ti à cíamò n iade dit: Pêsc a os! Sciöche le Pere m'â menè mè, insciö ves mëni iö os. ²²Do ch'al à albü dit chësc, ti àl fladè ados y ti à dit: Recioiede le Spirit Sant! ²³A chi che os ti lascëis do i picíà, ti ési lascià do; y a chi che os ne ti ai lascëis nia do, ne ti ési nia lascià do. ²⁴Tomesc, nominé Didimus (jomelin), un di dodesc, n'ê nia pro d'ëi, canche Gejù ê gnü. ²⁵I atri discepuj ti à spo dit: I ùn odü le Signur. Al ti à respognü: Sc'i ne vëighi nia les ferides di agüs te sües mans y sc'i ne pò nia mëte mi dëit tl büsc di agüs y mia man te so costà, ne creii nia. ²⁶Otedé do ê sü discepuj indò abinà adöm, y Tomesc ê laprò. Dailò é gnü Gejù – les portes ê stlüttes pro – é jü amesa ëi ite y à dit: Pêsc a os! ²⁷Spo àl dit a Tomesc: Tëgn ca to dëit – chilò é mies mans! Tëgn ca túa man y mëtela te mi costà, y ne stè a ester descredënt, mo credënt! ²⁸Tomesc ti à respognü: Mi Signur y mi Dî! ²⁹Gejù ti à dit: Deache te m'as odü, creieste. Beâc é chi che ne vëiga nia y crei impò. ³⁰Cíamò tröc d'atri sëgns, che n'ê nia scrié sö te chësc liber, é stè Gejù che à fat dan dai edli de sü discepuj. ³¹Mo chisc é gnüs scrié sö ch'i cherdëise che Crist é le Messia, le Fi de Dî, y ch'i ëise, tres la fede, la vita te so inom.



Oraziun dl de

Periun! Dî misericordius, cun la festa de Pasca renovëieste vigni ann la fede de to popul: làscesse conësce tres plü sot la richëza dl bato, te chël ch'i sun gnüs purificà, la potënza de to Spirit, te chël ch'i renasciun, por le valur dl sanch, tres chël ch'i sun gnüs cumprà ciarà. Do chësc te periunse por nosc Signur Gejù Crist, to Fi, che é Dî y vir y regnëia cun tè tl'unité dl Spirit Sant por düc i secui di secui. – Amen.

📖 **Letöres dla Terza domënia de Pasca:**

St.Ap 5, 27b–32.40b–41 | Rev 5, 11–14 | Jan 21, 1–19

Edema liturgica dai 24.04. ai 01.05.2022

2022	Ora	Mëssa
DOMËNIA 24.04 BLANCIA <i>Domenia dla divina misericordia – Indulgënza</i>	9.30 10.00	<i>Corona</i> Gran Mëssa por la comunité aniv. + Pire Devall
LÖNESC 25.04 <i>s. Merch, vangelist</i>	8.00	s. Mëssa ++ dla fam. Vijo Agreiter
MERTESC 26.04		
MERCUI 27.04	7.25	s. Mëssa di scolari + Clara Canazei
JÖBIA 28.04		
VENDRES 29.04 <i>s. Tarina da Siena</i>	7.25	s. Mëssa ++ Magdalena y Johann Siller
SABEDA 30.04 <i>ss. Ciascian y Vigile</i>	18.00	s. Mëssa prefestia + Franco Milone
3^a DOMËNIA 01.05 de PASCA <i>Domenia de s. Ciascian y s. Vigile</i>	9.30 10.00	<i>Corona</i> Gran Mëssa por la comunité a onur de s. Florian, patron di Stödafüch families Agreiter, Tru aniv. + Tio Winkler + Stefanie Zingerle (Uniun) <i>prozesciun y benedisciun di auti, motors...</i>



Informaziuns y terminns

Proches de dlijia: an pò indô adorè dotes les proches, mo cun la maschera!

Benedisciun di auti: I oress der ves invié a gni cui auti, motors, rodes y atres mascins ai lascè benedí, mo ciamò deplü i ciafêrs. Les mascins comporta gragn prighi; porchël orunse se perié jö la benedisciun da Idî, che sunse stravardà da desgrazies y dal malinjign.

siur Paul


Invit a düc i geniturs che á na picia möta, o n pice möt da batié, pêrs che aspeta, toc y totes de nosc Decanat, ala **preparaziun dl Bato**, che vëgn tignida en sabeda ai 7de má, dales 15.00 ales 17.00, tl salf dles uniuns a La Plí. Se inconfortun da se udëi tröc partecipanc y stlújarun jö cun sté ciamó n pü adüm a s'la cunté y cun n pic renfresch, che l'Uniun dles ères da nes arjignará ca. Prenotaziuns al numer 328/0717796.

I **Jogn d' Antermëia** oress ringrazié dōta la comunité por le gran aiüt por l' aziun de spënores che á albü gran suzess cun 352,58 € che vëgn partis sö ala Südtirol Katholische Jugend y ala Caritas. Ves ringraziun de cör pur ostes spënores!

En mercui, ai 04.05.2022 dales 18:00 vëgnel **presenté** a Balsan tl Waaghaus i **libri** y le curs online “Curs de ladin gherdëina per prinzipienc” de Karin Comploj y “Curs de ladin dla Val Badia por prinzipienc” de Ulrike Frenademez.

RAISC Y ARES „Mëte limic, l'infanzia é le cör dla porsona“, na iniziativa de döes sères cun referac y discusciun, cun Walther Frontull – pedagogh sozial te Istitut Ladin a San Martin - Organisé dal Grup Ecuiliber, n grup metü adöm da rapresentantes de deplü istituziuns - Comuns, Scora, Raiun Sozial Val Badia, Sorvise ai Jogn y rapresentanza di geniturs – gnarál baié y sensibilisé sön tematiches dla educaziun y dla prevenziun. I referac é ponsá por geniturs, insegnanc y interessá y pitará sostëgn y impuls por reflësciuns desvalies. Les incuntades sará tres de vëndres ai 29 de aurí y ai 6 de ma 2022 dales 19.30 te Istitut Ladin a San Martin de Tor; i referac alda adöm. Ai vëgn tignis por todësch, cun poscibilité da fá domandes y discusciun ince por ladin y talian. Azes ma cun Green Pass, al ne vá nia debojëgn da se prenoté. Dotes y düc é dër bel invia!

Al vëgn lascé alsavëi che le Comun da San Martin de Tor á l'intenziun da tó sö por le proscimo isté 2022 nr. 1 studënt/ta (sura 15 agn) por n practicum formatif y de orientamënt pro i ofizi de Comun dai 27 de jügn ai 26 d'agost 2022. Les domandes é da dé jö cina ai 28 d'aurí dales 12.00. Informaziuns plü avisa y le formular por la domanda é da ciafé söla plata internet dl comun.



L'incuntada cun le Ressorí devënta por i discepui l'ora de nasciöda de süa fede a ël. Cun la fede nasc ince i discepui feter danü – y nia ma ëi: por le vangelist Jan è chësta pröma Pasca ince bele Pasca de Má. Fora di discepui devëntel apostui. Por l'intermediaziun dl Ressorí devënti anunziadus de Dî.

Ich kann nicht wie Thomas sehen und berühren, doch ich kann hoffen, dass die wahre Wirklichkeit doch mehr ist, als der Verstand vordergründig nahelegt. Und bitten, dass aus Hoffnung Vertrauen wird.

Mësses a Rina:	Dom 8.30 Dedol 19.15 Jöb 7.25 Sab 19.15 Dom 8.30
Mësses a San Martin:	Dom 9.30 Dedol 16.00 Jöb 7.30 Sab 20.00 Dom 9.30

	25.04 - 30.04.2022	Niklas - Teo
	01.05.2022	Denise - Joel U. - Thomas - Joel C.
	30.04.2022	Margareth Unterweger
	01.05.2022	Ernst Winkler

Impressum:

Comunicaziuns:

Download:

Ploania Antermëia - redaziun Carlo Piazza
 cina la jöbia sëra a carlo.piazza@hotmail.com | 0474 520044 o 3803520465
 www.unitepastorala.org | www.comun.sanmartindetor.bz.it